

Saopćenje/saopštenje za medije

Sarajevo/Beč (26.04.2016)

Grad Beč najavio veliku konferenciju o novinarstvu budućnosti

U Beču je jučer (25.4.) održana press konferencija povodom održavanja medijske konferencije „Global Editors Network Summit 2016“ (GEN). Nakon Pariza i Barselone, u fokusu svjetske medijske elite od 15. do 17. juna naći će se austrijska prijestolnica. GEN prvi put zasjeda u Beču, a centralna tema su inovacije i razvoj u svijetu medija.

Moto bečke konferencije glasi „The Rise of Plattform Driven News“, odnosno uspon vijesti koje se objavljuju/emituju preko popularnih platformi kao što je Facebook.

80 međunarodnih refrenata raspravljaće o budućnosti medija, a među njima i prestavnici Reutersa, Applea, Googlea, CNN-a i drugih.

Poruka sa jučerašnje press konferencije glasi da sve nadolazeće promjene treba shvatiti kao šansu za nove početke. Nove i mlade generacije se sve više informišu „na zalogaje“ prvenstveno preko platformi, što predstavlja veliki izazov za tradicionalne medijske kuće.

„U budućnosti će se mnogo toga izmijeniti. Trenutno rušimo zidove i tražimo nove načine za „pričanje priča“, izjavio je juče u Beču direktor GEN-a Bertrand Pecquerie.

Na GEN konferenciji će biti predstavljeni i novi pronalasci poput Googlovih naočala Virtual Reality. Veliku podršku u organizaciji konferencije za Grad Beč predstavlja Bečki holding (Wien Holding) i njegovo preduzeće za međunarodnu komunikaciju Eurocomm-PR.

Direktorica Bečkog holdinga Sigrid Oblak posebno ističe mogućnost uključivanja urednika i novinara iz partnerskih gradova jugoistočne Evrope preko Eurocomm-a u ovaj svjetski medijski događaj.

Više informacija:

EUROCOMM-PR Sarajevo

Berina Filipović-Kulenović filipovic-kulenovic@eurocomm.at

Tijana Purgić purgic@eurocomm.at

Lejla Bavčić bavcic@eurocomm.at